


Haau a hatakiaga ke vili ke he Viliaga Lahi he Motu ma e tau 2023.



E231 06/23 Niuean



Fai maamaaga ko e heigoa kua lata ke iloa mo e puhala ke vili he tau 2023

Manatu ke fakamau haau a higoa mo e fakafoou haau a tau fakailoaga fakatagata.

Ke vili, kua lata ia koe ke tohia e higoa. Kua lata ia koe ke tohia e higoa ke vili kaeke kua 18 e tau poke molea, ko e tagata Niu Silani poke tagata nofo mau he motu, mo e kua nofo mau a koe i Niu Silani ke he 12 e mahina poke molea he taha magaaho he haau a moui.



Tohia e higoa, kumikumi poke fakafoou haau a tau fakailoaga fakatagata i luga he laini hila

Mukamuka ke fakamau e higoa, poke fakafoou haau a tau fakailoaga fakatagata i luga he laini hila kaeke kua fakaaoga e haau a tohi fakaholo i Niu Silani, pasipote Niu Silani poke fakailoaga RealMe kua fakamooli.

- Finatu ke he [vote.nz](https://www.vote.nz)
- Hea **0800 36 76 56**
- Text nakai fai tologi e haau a higoa ke he atulese 3676



Haau a potaaga koloa EasyVote

Kaeke kua fakamau haau a higoa to hoko e Aho Tapu 10 ia Sepetema, to moua ai e koe haau a potaaga koloa EasyVote ke he meli.

Ko e haau a potaaga koloa EasyVote ka talahau ai e magaaho kua lata ia koe ke vili mo e ko hai haau a ka vili ki ai. To putoia ai foki ki loto he tau potaaga koloa haau a laupepa EasyVote, kua fakamukamuka aki e puhala ka vili ai. Maeke agaia a koe ke vili kaeke kua nakai hāhā i ai e haau a laupepa Easyvote, ka e mule e puhala nei.

Kaeke kua tohia haau a higoa ke vili ka mole e Aho 10 ia Sepetema, putoia ai foki mo e aho vili, to nakai moua haau a laupepa Easyvote. Kua lata ia koe ke taute ai taha vili pauaki, ka e mule e puhala nei.

Hafagi e viliaga: he matahola 9 he magaaho pogipogi he Aho Gofua Aho 2 ia Oketopa

Pa e viliaga: he matahola 7 he magaaho afiāfi, Aho Faiumu 14 Oketopa



Ko e tau magaaho ka hafagi ai e tau matakavi ma e tau viliaga mo e tau matakavi ne toka ai a lautolu

Maeke ia koe ke tohia e higoa ke vili mo e vili ke he Viliaga Lahi ke he ha matakavi ka fakahoko ai e tau viliaga kamata mai he aho Gofua aho 2 ia Oketopa to hoko e aho ka vili ai, Aho Faiumu aho 14 ia Oketopa.

Ko e aho ka fakahoko e vililaga, Aho Faiumu 14 ia Oketopa, To hafagi e tau matakavi ma e tau viliaga kamata mai he matahola 9 he magaaho pogipogi ke hoko atu kehe matahola 7 he magaaho afiāfi.

Tau fakailoaga haggao ia ke he tau matakavi mo e tau tūla hafagi ma e tau matakavi he viliaga kua taute ai kehe **vote.nz** poke vilo atu ke he **0800 36 76 56** kamata mai he uho ha Sepetema.



Ko e mena fē ke moua e tau fakailoaga fakalaulahi haggao ia ke he tohiaaga he higoa tagata vili poke viliaga

- Ahiahi atu ke he [vote.nz](https://www.vote.nz)
- Hea **0800 36 76 56**

Kaeke kua mahuiga e fakailoaga nei ke he ha tagata ne kua iloa e koe, fakamolemole ti talaage kia lautolu.

Tau fakailoaga haggao ia ke he tohiaaga he higoa tagata vili poke viliaga kua maeke ke moua ai ke he loga e tau vagahau kehekehe mo e falu puhala foki ke he **vote.nz**

Ko e puhala ke vili

1 Tamai haau a laupepa EasyVote

Uta haau a laupepa EasyVote mo koe ke fakamukamuka aki e puhala ke vili. Maeke agaia a koe ke vili kaeke kua nimo e koe haau a laupepa poke kua nakai fai a koe.



2 To fai tagata he matakavi ka fakahoko ai e viliaga ke lagomatai a koe

To fakakite atu he tau tagata ne gahua he haau a matakavi ma e viliaga e mena kua lata ia koe ke taute mo e mena kua lata ia koe ke fano ki ai.



3 Vili ke he viliaga lahi

Ke he viliaga lahi, ua e vili ka moua e koe – ko e vili he matakau mo e vili he matakavi ne nofo ai a koe.


Haau a vili matakau

Ko e haau a vili ma e matakau ke lata mo e matakau politika ne manako a koe ke lagomatai.

Ko e viliaga nei ka moua mai e fifiliaga lahi he tau numela katoa he tau nofoa ka moua ai he tau matakau politika i loto he Fono Ekepule. Ko e tau matakau ne lalahi e tau veveheaga he tau vili he matakau to lahi e tau nofoa ka moua i loto he Fono Ekepule.

Maeke ia koe ke fifili mai he tohiaga ne toka ai e tau matakau politika ka toka haau a higoa ki loto he tohi fakamau higoa tagata vili he tau Maui.

Ke he haau a pepa vili, fakamailoga e higoa he matakau politika ne kua fifili a koe ki ai.



Haau a vili matakavi



Ko e haau a vili matakavi ko e vili ke fifili e tagata ne kua manako ia koe ke eke mo tagata ne nofo ki loto he Fono Ekepule (MP) he matakavi ne nofo ai a koe.

Ko e tagata ka moua ai loga e tau vili ne nofo ki loto he haau a matakavi to eke ia mo e MP he matakavi ia. To hukui e lautolu haau a matakavi i loto he Fono Ekepule.

Kaeke kua fifili e koe e tohi fakamau tagata vili ma e tau Maui, to fifili ai e koe e tagata ne kua fakatu e higoa mo vili ke he tohi fakamau tagata vili ma e tau Maui.

Kaeke kua fifili e koe e tohi fakamau tagata vili ma e motu, to vili ai a koe ke he tagata ne kua fakatu e higoa ke vili ke he taha he tau matakavi ne vili ma e motu.


Ke he haau a laupepa vili, fakamailoga e higoa he tagata kua manako lahi ia koe ke hukui haau a matakavi ne nofo ai.



**Ko e katoa he tau vili matakau =
Ko e tatai e katoa he tau nofoa i loto he Fono Ekepule**

4 Tuku haau a laupepa vili ki loto he puha vili ne kua toka ai

Mo e ko e e naia – kua vili tuai a koe!



Nakai maeke ke hoko atu ke he matakavi ma e viliaga?

Kaeke kua nakai maeke ia koe ke hoko atu ke he taha matakavi ma e viliaga, fakatai, ha kua gagao, ko e tau moui poke nakai katoatoa e moui malolō tino, maeke ia koe ke moua taha lagomatai ke vili. Kumikumi fakalaulahi atu ke he **vote.nz** poke hea **0800 36 76 56** ke tutala haggao ke he haau a tau veveheaga fifiliaga.

Kaeke kua nofo a koe ki loto he taha kaina ne leveki kia koe, to matutaki atu e Takitaki he haau a Matakavi ma e viliaga ke he haau a takitaki he haau a kaina leveki ke lata mo e tau tauteaga ma e viliaga.

Kaeke kua nakai maeke ia koe ke moua taha matakavi ke vili ha kua nofo a koe ki loto he fale gagao, kamata mai he Aho Gofua aho 2 ia Oketopa maeke he taha kapitiga poke taha he magafaoa ke taatu haau a tau pepa vili kia koe.

Vili mai he tau motu i tua

Kaeke kua vili mai a koe he tau motu i fafo, kua lata ia koe ke tohia e higoa ma e viliaga to hoko e tuloto po he Aho Falaile aho 13 ia Oketopa. Maeke ia koe ke tohia haau a higoa ke vili poke fakafoou haau a tau fakailoaga fakatagata ke he **vote.nz**

Maeke ia koe ke vili mai he tau motu i fafo kamata mai he Aho Lotu 27 ia Sepetema to hoko ai e matahola 7 he po he Aho Faiumu 14 ia Oketopa (Tulā NZ).

Ko e puhala mukamuka mo e mafiti ke vili mai he tau motu i fafo ke tuku hifo ki lalo he laini hila mo e fakaoti haau a laupepa vili mo e tuku hake ki luga he laini hila ke he **vote.nz**

Foni mai he tau motu i fafo: +64 9 909 4182

(neke fai totogi he tau motu i fafo)

Foni mai Niu Silani: 0800 36 76 56

Manako lagomatai ke totou poke fakamailoga haau a tau laupepa vili?

Ko e kapitiga, taha he magafaoa, poke ofisa ma e viliaga kua maeke ke lagomatai a koe ke totou poke fakamailoga haau a laupepa vili. Maeke he tagata nei ke:

- finatu mo koe ki tua he mena ka vili ai
- totou e tau kupu mo e tau fakailoaga he laupepa vili
- fakamailoga e laupepa vili ke lata mo koe kaeke kua ole e koe kia lautolu.

Nakai maeke ia lautolu ke tala atu kia koe ko hai haau kua lata ke vili ki ai he viliaga lahi.

Kaeke ko e matapouli a koe, nakai pouli oti tau mata poke nakai gahua katoatoa haau a tau alaga tino ko e kakano kua nakai maeke ia koe ke fakamailoga haau a laupepa vili ka nakai moua ha lagomatai, maeke ia koe ke fakaaoga e telefoni dictation service.

Kua lata ia ko e ke taute e fakamauaga ke fakaaoga e matagahua nei. Hea ke he **0800 028 028** mo e fifili e vahega fifiliaga 1 ke taute e fakamauaga.

Maeke ia koe ke taute e fakamauaga kamata mai he Aho Gofua 11 Sepetema to hoko e tupou laa, Aho Faiumu 14 ia Oketopa.

Ahiahia ke he **vote.nz** ke moua taha fakalaulahiaga haggao ke he matagahua nei.